

清代傳記叢刊・名人類
周駿富輯 ②〇

浙江忠義錄

十卷
浙江採訪忠義局編

明文書局印行

W2416/12

浙江忠義錄

浙江采訪忠
義總局開雕

061-004

賊起廣西十數載而始滅蹂躪徧乎東南人之化而爲沙
蟲猿鶴者不可勝數而浙之被禍爲尤烈庚申辛酉杭城
再陷自羅壯節王壯愍以下文武官吏殉難者百數十人
而士民婦女以億萬計至於趙忠節之守湖州包立身之
守包村以彈丸之地當方張之賊經年累月力竭乃亡數
萬人悉遭屠戮無一降者嗚呼奇矣他省未聞有是也於
時浙幾盡爲賊有所未破者溫衢二州耳迨湘陰左撫軍
督師來浙以次戡定諸郡縣卒復省垣厥功偉焉然楚湘
各軍中之血戰而死者豈少哉蓋我

朝二百年來百姓之涵濡於德澤者深漸摩於教化者久

人人知有殺身成仁見危授命之義上而疆臣閫帥下而一命之吏一介之夫以及婦女童孺罔不激於義憤雖斷首剖心九死而靡悔固不止浙省爲然而天地忠義之氣一若獨鍾於浙者則又何也先是省城設有采訪忠義局新貽撫浙以來爲之上聞而請卹者已十有餘次不下十萬餘人

朝廷褒忠之典有加無已死者固可無憾顧姓氏雖得表揚事蹟尙多茫昧使後之人無以感發而興起此亦有風化之責者所當用心也於是在事諸人有撰刻忠義錄之請因聘能文之士數人爲纂脩略參史家之體凡有行事

可表見者悉次爲傳其他無所考而以死著者則係之表
草創於丙寅之秋逾年而傳先告成名之曰浙江忠義錄
共得若干卷授之剞劂而請序於余余謂古來忠臣義士
若先軫汪錡縣賁父之屬往往散見於簡策而唐宋以上
不聞有專書昭忠錄則昉於元人所記爲宋末忠節事實
明正德中桑瑾著有節義林正續二編自三代及元搜羅
頗富然其書皆不甚傳於世尤可怪者史記兩漢多爲貨
殖游俠方術列傳而忠義反無得而稱晉書及北史始有
節義傳五代史又分爲死義死事二傳而所傳皆寥寥數
十人歐陽氏之所謂死節者則止有王彥章等三人焉豈

作史者其難其慎而故從其畧與抑當時莫爲之傳而後世遂無述與然則是編之作一以備

國史之采擇一以正草野之傳疑信乎爲不可少之書也
同治六年歲在丁卯仲冬

賜同進士出身兵部侍郎都察院右副都御史巡撫浙江
等處節制水陸各鎮提督軍務糧餉兼理鹽政蒞澤馬新
貽序

浙江忠義錄

凡例

一現在采訪局所采大抵皆庚申以後殉難之人而忠義錄則當以粵匪倡亂之時爲始庚申以前若衢州被圍處州被陷其時將帥官紳亦多死事且浙軍之防剿徽甯以及浙人之在他省殉難者不一而足自宜一一補入以成全書

一是錄以當時奏稿及局中請卹事實冊爲據此外如行述家傳等信而有徵者亦加采擇

一傳分八等首職官次將弁次客將次團練紳民次殉難

紳民次出仕次流寓次列女無事蹟可稽者統歸於表
一浙省克復嘉湖甯紹每藉江蘇之兵而外國之常勝軍
亦嘗助力若程忠烈公及副將美國華爾等已見於江
蘇昭忠錄然一則進攻嘉興受傷而亡一則在慈谿中
礮而死而各城因之克復其功自不可掩應專敘入浙
之事爲之立傳

一是錄不以殉難年月先後爲序而序官之文武大小於
同官中仍次以年月至外省官紳士民在浙殉難者有
差事則附諸職官之後無差事則爲流寓附諸紳民之
後其官親幕友則附諸本官之下不復另列傳表皆然

一傳中書官但書實職其有擬保某官而未經入奏者不書表中則從本官其加銜及翎枝亦不列入惟無實職者書虛銜附於各官之後已立傳者注明有傳附傳不贅

一史記中列傳間有不稱名者自後歷代史傳無不名而各省志及郡縣志卽本朝人亦不以稱名爲嫌蓋官書與一家著作其體例自不同也是錄體參史乘竊取臨文不諱之義閱者鑒之

一立傳諸人其別有政蹟者詳書之若一死外無表見者列其名於表而不立傳

一文武職官表以官階爲次紳民婦女表以府分爲次於一格中仍以殉難年月先後爲次其年月無可稽者附載於後

一表昉於史記歷代相沿其體式大抵以年月爲次以橫行爲正是錄旣不能盡序年月且兵勇民人婦女三項人數甚衆又多參差不齊不得不變文起例改用直行以省卷帙

一將弁雖非陣亡而因傷致死從優議卹者表亦牽連書之在防病故者不書其陣亡兵勇已得邀卹典並許入忠義祠者亦具書姓名於表

一史家先表後傳是錄於傳著其事跡於表存其姓氏繁簡不同顯晦亦異故以傳先於表爲宜

一是錄凡曾經請卹及有冊籍可稽者悉登之表不下十數萬人卷帙繁重幾過於傳數倍而死事甚烈及生平政蹟卓卓者實已詳見於傳故傳可單行而表則以備查考

一纂修是錄時采訪尙未周徧故參用 國史之體各自爲傳以便隨時增補雖經刊刻祇作未成之書將來成書後擬重加編次連屬書之以見志與史有別體例方爲盡善

浙江忠義錄

目錄

第一卷 庚申省城死事官

羅遵殿

王友端

繆梓

葉塋

兄維堅 子祖豫 僕殷福

仲孫懋

馬昂霄

徐樹楠

李福謙

從子元熙

楊炳春

趙景銘

黃純臣

吳麟書

子晉 女岳蓮

林汝霖

徐榮

附

張士超

子鴻融 附

第二卷上 辛酉省城死事官

瑞昌 王元

傑純 王應棠

王有齡

張錫庚

麟趾

甯曾綸

暹福

胡元博

彭斯舉

朱琦

豫立

楊炳

沈裕申

吳保豐 王祖望

鳳杓 程國賢 劉心龍

湯金策

孫玉田 吳慶奎 慶奎弟家奎

汪春溥 吳豫慶 吳毓錦